

TEKS UCAPAN
Y.BHG. BRIG. JEN. DATO' PROF. DR. KAMARUDIN HUSSIN,
NAIB CANSELOR UniMAP

SEMPENA MAJLIS RAMAH MESRA PESERTA BENGKEL KPI
& LAWATAN MUHIBAH PERMUAFKATAN SEKOLAH
KLUSTER KECEMERLANGAN DENGAN INSTITUSI
PENGAJIAN TINGGI AWAM (SKK-IPTA) UniMAP 2013

28HB JANUARI 2013 (ISNIN)

Terima kasih saudara pengacara majlis.

ASSALAMUALAIKUM WBT & SALAM SEDEKAD GEMILANG UniMAP

SALUTASI

Y.BERUSAHA TUAN ABDUL RASHID B. SULAIMAN, PENGETUA SEK.
MEN. KEB. DATO' SHEIKH AHMAD ARAU, PERLIS

Y.BERUSAHA. TUAN HAJI SULAIMAN B. MD. ZAIN, PENGETUA SEK.
MEN. TEKNIK ALOR STAR, KEDAH

Y.BHG. PROF. DR. ZUL AZHAR B. ZAHID JAMAL, TIMB. NAIB
CANSELOR (AKADEMIK & ANTARABANGSA) UniMAP MERANGKAP
PENGGERUSI INDUK SKK-IPTA UniMAP

PEGAWAI-PEGAWAI UTAMA UniMAP

DEKAN-DEKAN / KETUA-KETUA JABATAN

YANG DIRAIKAN GURU-GURU DAN PARA PELAJAR SEKOLAH KLUSTER
KECEMERLANGAN

PENDAHULUAN

1. ALHAMDULILLAH, SUKALAH SAYA MELAFAZKAN SETINGGI
KESYUKURAN KEHADRAT ALLAH SWT KERANA DENGAN IZIN
DAN LIMPAH KURNINYA JUA MAKA DAPATLAH KITA BERSAMA

DALAM MAJLIS YANG CUKUP BERMAKNA BAGI MEMPERKASAKAN PENDIDIKAN NEGARA

2. TERLEBIH DAHULU SAYA INGIN MENGUCAPKAN SELAMAT DATANG KEPADA DELEGASI SEKOLAH KLUSTER KECEMERLANGAN : SEK. MEN. TEKNIK ALOR STAR, KEDAH DAN SEK. MEN. KEB. DATO' SHEIKH AHMAD ARAU, PERLIS KE UNIVERSITI MALAYSIA PERLIS (UniMAP) – **'ALAM KEJURUTERAAN, BERTEKNOLOGI HIJAU, SEDEKAD GEMILANG'**

3. UniMAP (DAHULUNYA DIKENALI SEBAGAI KUKUM) TELAH MENCAPAI USIA SEDEKAD. SEPANJANG USIA ITULAH KOMITMEN UniMAP TERHADAP PEMBANGUNAN KOMUNITI KHUSUSNYA SEKTOR PENDIDIKAN DI SEKOLAH TIDAK TERPUTUS WALAU SEINCI PUN. UNTUK REKOD, SEBANYAK 33 PROGRAM/AKTIVITI MELIBATKAN SEKOLAH DI SELURUH NEGARA SEDANG DITERUSKAN OLEH UniMAP SEHINGGA HARI INI.

TUAN-TUAN DAN PUAN-PUAN SEKALIAN

(KLUSTER MELONJAKKAN KECEMERLANGAN)

4. UniMAP SEDAR USAHA BERTERUSAN PELBAGAI PIHAK DALAM MEMARTABATKAN SISTEM PENDIDIKAN DI NEGARA INI KE ARAH MELONJAKKAN KUALITI MODAL INSAN TERBILANG MENJADI TERAS KEPADA WAWASAN 2020. SETIAP PERANCANGAN DAN HASIL PELAKSANAAN MEMERLUKAN MASA UNTUK MELIHAT KEJAYAANNYA. NAMUN APA YANG PENTING UNTUK KITA TENTUKAN PADA PERINGKAT INI IALAH IANYA PERLU MENDAPAT MOMENTUM UNTUK DILAKSANAKAN.

5. PELAKSANAAN PROGRAM JALINAN PERMUAFAKATAN SKK-IPTA INI IBARAT KITA MENUAI PADI DI BENDANG YANG LUAS. IANYA BERKAIT DENGAN PROSES 'BUY-IN' KEPADA SEMUA STAKE HOLDERS KHASNYA KEPADA MEREKA YANG TERLIBAT SECARA LANGSUNG UNTUK MENJAYAKANNYA, PEMBAHAGIAN SUMBER-SUMBER SERTA MENYEDIA DAN MELAKSANAKAN PELAN TINDAKAN YANG SESUAI UNTUK MEMENUHI SASARAN. SAYA PERCAYA BAHAWA PERKARA-PERKARA INI SEDANG DILAKUKAN OLEH SEMUA PIHAK BAIK DIPERINGKAT KEMENTERIAN DAN INSTITUSI.

6. SAYA MENGAMBIL MAKLUM BAHAWA SEKOLAH KLUSTER KECEMERLANGAN INI TELAH DIWUJUDKAN SEJAK TAHUN 2009 DAN BAGI TAHUN 2013 3 BUAH SEKOLAH MASIH KEKAL BERSAMA UniMAP IAITU SMK DATO' SHEIKH AHMAD ARAU, SM TEKNIK ALOR STAR, KEDAH DAN SK SENA. DAN DIKESEMPATAN INI JUGA SAYA INGIN MENGUCAPKAN SYABAS DAN TAHNIAH KEPADA SMK DATO' SHEIKH AHMAD DAN SK SENA KERANA MASING-MASING TELAH DINOBATKAN DENGAN MEMBOLOT KATEGORI ANUGERAH GANGSA HINGGA ANUGERAH PERDANA PADA TAHUN LEPAS. INILAH IMPAK DAN HASIL KOLABORASI YANG CUKUP BERJAYA.

7. MEMETIK TEKS UCAPAN Y.A.B TIMBALAN PERDANA MENTERI, YANG JUGA MENTERI PELAJARAN BERKATA - **"SEKOLAH KLUSTER SEHARUSNYA MEMPUNYAI KEKUATAN ATAU KECENDERUNGAN TERTENTU, SAMA ADA DALAM BIDANG KURIKULUM ATAU KOKURIKULUM. SEKOLAH BOLEH TERUS MEMAJUKAN BIDANG TERSEBUT BERDASARKAN KEUPAYAAN, KEKUATAN, KEMUDAHAN, HUBUNGAN DENGAN KOMUNITI DAN INFRASTRUKTUR YANG SEDIA ADA.**

KENYATAAN INI MEMPERLIHATKAN BAHAWA SEKOLAH KLUSTER INI MEMPUNYAI POTENSI YANG TINGGI DALAM 'NICHE AREA' MASING-MASING.

TUAN-TUAN DAN PUAN-PUAN SEKALIAN

(PERKONGSIAN MENYOKONG AGENDA NASIONAL)

8. BAGI KEMENTERIAN PENGAJIAN TINGGI, KHUSUSNYA UniMAP SENDIRI, PERMUAFAKATAN SEUMPAMA INI MENYOKONG KEPADA '**NATIONAL KEY ECONOMIC AREA (NKEA)**' YANG DILANCARKAN OLEH Y.A.B PERDANA MENTERI MALAYSIA. SEKTOR PENDIDIKAN MENJADI SALAH SATU FOKUS UTAMA DALAM MENTRANFORMASI NEGARA MALAYSIA. KLUSTER ATAU KEISTIMEWAAN POTENSI INI DIPILIH SELARAI DENGAN RANGKAIAN INSTITUSI AKADEMIK DAN PESERTA INDUSTRI YANG BERGANDING BAHU UNTUK MENAMBAH BAIK TAWARAN DAN MENINGKATKAN PIAWAIAN BAGI MELUASKAN CAPAIAN DAN PENGIKTIRAFAN. KELOMPOK SEPERTI INI AKAN MEMBOLEHKAN INSTITUSI MALAYSIA MENGATASI CABARAN SKALA DAN KUALITI YANG DIHADAPI DENGAN MEMBOLEHKAN MEREKA MEMANFAATKAN SUMBER DIKONGSI, LANTAS BERSAMA-SAMA MENGURANGKAN RISIKO DAN MEMBANGUNKAN PIAWAIAN KUALITI HAK MILIK SENDIRI DENGAN KERJASAMA INDUSTRI. KELOMPOK BERBILANG DISIPLIN BOLEH DIBANGUNKAN UNTUK MEMENUHI KEPERLUAN MENYALURKAN MODAL INSAN KEPADA SETIAP SEKTOR NKEA.
9. BERSESUAIAN DENGAN OBJEKTIF PERMUAFAKATAN SKK-IPTA ITU SENDIRI, MAKA PADA HARI INI SAYA TELAH BERSETUJU UNTUK MEMBANTU PIHAK SEKOLAH **MENYEDIA**

DAN MENETAPKAN 'KEY PERFORMANCE INDICATOR' MASING-MASING MELALUI PENGANJURAN BENGKEL SEHARI YANG DIKENDALIKAN OLEH PROF. MADYA ABDUL AZIZ MAHMUDDIN. SAYA MENGHARAPKAN RUANG DAN PELUANG YANG DIMILIKI OLEH SEKOLAH KLUSTER INI DAPAT MENGGALAKKAN PERBINCANGAN DAN DISKUSI MELALUI SEMUA ASPEK DALAM MENINGKATKAN JALINAN KERJASAMA DENGAN UniMAP SETERUSNYA MENCIPTA KEGEMILANGAN DI PERSADA ANTARABANGSA.

10. KEPAKARAN DAN KEMUDAHAN TERKINI YANG DIMILIKI OLEH UniMAP DIHARAPKAN DAPAT MEMBANTU SELUAS-LUASNYA BIDANG KEBITARAAN MASING-MASING DISAMPING PERCAMBAHAN IDEA DAN PERKONGSIAN PINTAR 2 HALA SEHARUSNYA MENJADI TERAS UTAMA KEPADA PELAKSANAAN PROGRAM INI.

TUAN-TUAN DAN PUAN-PUAN SEKALIAN

(PERKONGSIAN MENYOKONG AGENDA NASIONAL)

- 11.** DENGAN IZIN ALLAH SWT, PADA TAHUN INI, 4 PIHAK AKAN TERUS BERMUAFAKAT DALAM MENYUMBANG KE ARAH KELESTARIAN KECEMERLANGAN PENDIDIKAN NEGARA DENGAN BERKAYUH DAN MENDAYUNG BERSAMA **BIDANG KEBITARAAN DAN KEPAKARAN** MASING-MASING.

SAYA MENDOAKAN AGAR JALINAN INI AKAN TERUS DIHARMONIKAN SEHINGGA MENCAPAI OBJEKTIF YANG DISASARKAN. SESUNGGUHNYA UniMAP SENTIASA AKAN MENJADI PENERAJU KEPADA KECEMERLANGAN PENDIDIKAN DI NEGARA INI. TERIMA KASIH KEPADA SEMUA YANG HADIR DAN MENJAYAKAN PROGRAM INI.

**"SEDEKAD GEMILANG SAHUTAN ILTIZAM,
KLUSTER KECEMERLANGAN MEDAN PERJUANGAN,
KESOHORAN INSTITUSI PEMBINA AZAM,
PERKONGSIAN PINTAR MEMBINA PERMUAFAKATAN"**

SEKIAN, TERIMA KASIH.